

Vårdval – odabir medicinskog centra

Imate pravo odabrati medicinski centar čije ćete usluge koristiti. Možda smatrate da je važno da se medicinski centar nalazi blizu vaše kuće ili, možda, veći značaj pridajete radnom vremenu ili području medicine za koje je medicinski centar specijaliziran.

Evo kako vårdval funkcionira

Vårdval znači da vi odabirete medicinski centar čije usluge želite koristiti. Na raspolaganju su vam samo medicinski centri koji se nalaze u okrugu Jönköping. Kada trebate ljekarski pregled, najprije biste se trebali obratiti u medicinski centar koji ste odabrali.


Svi medicinski centri koji vam stoje na raspolaganju posjeduju odobrenje Okružnog vijeća Jönköping. Medicinskim centrima upravlja ili Okružno vijeće ili privatne kompanije. Svi medicinski centri imaju iste tarife i primjenjuju iste propise kada se radi o, na primjer, medicinskim pitanjima, prevozu do mjesta pružanja njege i nazad, kućnim posjetama i tumačima.

Članovi iste porodice mogu odabrati različite medicinske centre. Roditelji odabiru medicinski centar za djecu i osobe mlađe od 18 godina. Možete odabrati drugi medicinski centar kad god to želite i koliko god često želite; nijedan medicinski centar ne može odbiti da vam pruži zdravstvenu njegu.

U nastavku je opisan način na koji vršite odabir

Početak februara primit ćete pismo sa obrascem i spiskom medicinskih centara (na švedskom jeziku). U obrascu će biti naveden medicinski centar koji vam predlaže Okružno vijeće. Ako se odlučite za taj medicinski centar onda ne morate ništa više učiniti. Ako biste radije koristili usluge nekog drugog centra tada ga trebate odabrati sa spiska i navesti u obrascu koji ćete vratiti nama. Vaš odabir se primjenjuje od 1. juna 2010.

Medicinski centar možete odabrati i putem Internet stranice Mina vårdkontakter (Moji kontakti za zdravstvenu njegu), www.minavardkontakter.se (dostupna na švedskom i engleskom jeziku).



Dodatne informacije

Više o vårdval-u i medicinskim centrima pročitajte na web lokaciji Okružnog vijeća, www.lj.se, u magazinu LandstingsNYTT izdanje od 1. 2010., te u brošuri "Välja vårdcentral" (na švedskom jeziku). Možete pozvati vårdval odjel na broj 020-378 873 ili poslati e-mail poruku na vardval@lj.se